

Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. I. Quinam ad Horas Canonicas obligentur?

urn:nbn:de:hbz:466:1-40673

rationem aliam esse mentalem quæ scilicet aetibus intellectus, & voluntatis perficitur; aliam vero vocalem, quæ scilicet verbis exprimitur: Hæc magis conformis est naturæ humanae, non solum quia corpore simul, & mente laudare debemus Dominum, sed etiam quia mentis evagationes facile per vocalem orationem cohibentur; Firmatur enim facilius vox animus ad ea, quæ ore profert. Quoniam vero inter orationes vocales celeberrima est recitatio Horarum Canoniarum, ideo de hac speciatim agendum.

QUÆSTIO III.

De Horis Canonicis.

Dicuntur Horæ Canonicae, quia statim horis distributæ sunt per Sacros Canones; vocanturque etiam Officium divinum ad significandum, quod officium, & actus proprius Ecclesiasticorum sit Deum laudare; quare examinabimus primo, Quinam ad horas obligentur? Secundo, Qua forma, seu quoniam officium recitandum sit? Tertio, Sub qua culpa, & poena? Quarto, Quo modo, & ordine? Quinto, Quo tempore, loco, & qua corporis habitudine? Demum, Quæ cause ab iis excusent?

ARTICULUS I.

Quinam ad horas Canonicas obligentur?

- I. Ad horas tenentur Clerici in Sacris constituti, Beneficiarii, & Regulares Professi ad Chorum deputati.
- II. Plura requiruntur, ut Beneficiarius ad horas teneatur.
- III. Non tenetur ad horas Beneficiarius iis annis, quibus ob sterilitatem non recipit fructus a Beneficio.
- IV. Quid si Beneficium sit tenuerit? Et quoniam dicatur tenuerit?
- V. In dubio de tenuitate Beneficij, num deobligetur Beneficiarius totaliter, an partialiter? An vero absolute obligetur?
- VI. Prelatus regularis sub mortali tenetur efficere, ne Chorus desit. Quid tamen si non nisi quartuor, aut quinque Monachi sint in Monasterio?

VII. Professi, & Moniales tenentur privatim officium recitare, si absint a Choro. Num sit probabilis sententia opposita?

VIII. Probabiliter satisfacit obligationi horarum, qui illas recitavit mane, antequam ordinaretur in Sacris.

IX. Excommunicatus quamvis fructus Beneficij non percipiat, adhuc ad horas obligatur. Quid de Degradato?

X. Probabiliter excusantur ab horarum recitatione damnati ad irremes. Quid de inclusis in carcere tetro? Quid de Uxoratis ex dispensatione Pontificis? Quid de maximo merore affectis?

I. C ertum est, ad horas teneri. Primo omnes Clericos constitutos in Sacris; quamvis enim id non constet ex ullo jure scripto, constat tamen ex consuetudine, ut notant Suar., Pal., Azor., & alii; eamque

que obligationem supponit Concil. Basileense sess. 21. Secundo, tenentur Beneficiarii. Tertio, Regulares professi utriusque sexus deputati ad Chorum. Duxi, Professi, quia Novitii in odiosis habentur pro sacerdotalibus. Duxi etiam, Deputati ad Chorum, quia professi religionum militarium, & Societatis Jesu, qui ad Chorum non obligantur, non tenentur ex vi status religiosi officium recitare.

II. Quæritur nunc primo; Quid requiratur in Beneficiariis, ut ad horas teneantur?

Respondeo cum Tambur. ex Pal., & aliis, requiri, Primo, quod beneficium aliquod sive simplex, sive curatum valide, & juste sit illis collatum; Unde fit non teneri ad officium, qui habet Cappellaniam, quæ a laicis conferri solet; quia Beneficium dicitur, quod a Prælato confertur persona Ecclesiastica ad officium Ecclesiasticum exercendum; Nec tenetur ad officium, qui est Vicarius Beneficiarii, aut qui est Coadjutor cum futura successione; quamvis enim isti gaudeant portione beneficii, non dicuntur tamen Beneficiarii. Eodem modo non tenentur, qui habent Pensionem, quæ ex aliquo beneficio extrahitur. Hic tamen notandum, quod quamvis ex Bulla Pii V. habens Pensionem Clericalem (quæ scilicet requirit primam tonsuram in Pensionario, ut explicabimus cum de Censuris) debeat officium Beatissimæ Virginis recitare, tamen huic obligationi satisfacit, si recitat officium divinum: Quare si ratione Ordinis Sacri, verbi gratia, teneatur Pensionarius ad officium divinum, non tenetur etiam recitare officium B. Virginis, ex Suar., & aliis apud Tambur. Demum non tenetur officium recitare, qui injuste, vel invalide beneficium recepit, puta per violentiam, vel per simoniam, aut dum erat excommunicatus, vel irregularis. Ratio

est, quia hic intrusus nec habet titulum beneficii, nec fructus facit suos, sed obligatur relinquere beneficium, & fructus restituere.

III. Secundo, requiritur, quod fructus sufficientes ad sustentationem recipiat ex beneficio, ut ad officium teneatur: Non est enim æquum, ut qui de altari non vivit, altari serviat, & tanto onere gravetur. Hinc sequitur, non teneri ad officium, qui licet habeat titulum beneficii, caret tamen sine sua culpa ejus possessione: Secus vero si sua culpa careat, quia non est æquum, Ecclesiam privari servitio debito ob culpam tuam: Si tamen habeat possessionem litigiosam, sed fructus recipiat, tenetur ad officium, etiamsi fructus respondentes huic temporis non recipiat de praesenti propter item, sed speret certo illos percepturum; Satis enim est certa spes ad inducendam obligationem. Eodem modo non tenetur ad officium, ut probabiliter putant Sanch. & Trull., qui non residet ex legitima licentia, & sic fructus non recipit; cum talis obligatio consurgat ex sustentatione accepta. Idem docent Less. & Laym. de filio coacto a patre ad statum Ecclesiasticum, si non ipse, sed pater percipiat fructus beneficii; unde pater tenetur ad restitutionem. Demum Pal. punct. 1. §. 2. contra Suardocet, quod si beneficium ob sterilitatem annorum nullos fructus redderet, Beneficiarius iis annis non teneatur ad horas, quia pro tali tempore non habet nisi titulum beneficii, qui non est satis ad hanc obligationem inducendam.

Neque obstat primo, quod annis præteritis collecti sint fructus abundantes, aut colligendi sint annis sequentibus. Nam illi fructus licet abundantes respondent suo temporis, & dantur pro officio illo tempore exercendo, & non alio.

Nc-

Neque obstat secundo, satis esse spem certam percipiendi fructus sufficientes ad sustentationem, ut quis teneatur ad horas. Nam requiritur spes certa percipiendi fructus respondentes huic tempori, puta huic anno, ut teneat hoc anno ad horas; In casu autem nostro hoc non habetur.

IV. Tertio, requiritur probabiliter ex Sanch., Pal., Less. apud Dian. part. 2. tract. 12. resol. 9., ut beneficium sit pingue ad hoc, ut obliget ad horas. Ratio est, quia beneficium tenueretur pro nullo, eo quod paratum pro nihilo reputetur. Communior tamen sententia cum Suan., Reginald., & aliis apud eundem Dian. docet dari obligationem ad horas, etiam si beneficium sit tenueretur; quia beneficium tenueretur vere est beneficium, & reddit Beneficiarium eodem modo privilegium, unde possit ad Sacros Ordines promoveri sine sufficienti patrimonio. Sed Less. lib. 2. cap. 34. dub. 31. putat cum aliis, quod habens beneficium tenueretur ad horas locum Dominicis, & aliis festis diebus.

Rogabis hic, quoniam beneficium dicatur tenueretur?

Sotus putat esse tenueretur illud, ex quo proveniunt octo aurei; Less. ex quo sexdecim: Ledesm. ex quo viginti; Alii communius, ex quo provenit minus, quam sit tertia pars mediocris sustentationis talis Clerici, qui utatur viatu honesto, quali solent uti Clerici ejusdem conditionis.

V. Quod si dubitetur, an beneficium sit tenueretur? Vasq. part. 2. disp. 69. cap. 3. putat, obligari Beneficiarium, quia stat in possessione certitudine beneficii: Caramuel tamen apud Tambur. lib. 1. cap. 3. §. 7. putat, illum non obligari; quia libertas præcedit obligationem, quæ ex tali beneficio oriatur, & sic stat in possessione libertas. Evidem existimo, quod habens beneficium tenueretur non teneatur quotidie

officium recitare, sed solum aliquibus diebus pro ratione tenuitatis; itaut si habeat, verbi gratia, tertiam partem mediocris sustentationis per totum annum, ad Horas recitandas teneatur per totum annum; ut communiter docent; Si vero habeat tertiam partem mediocris sustentationis solum per sex, aut quatuor menses, teneatur solum per sex, aut quatuor menses officium recitare. Quod si tua culpa beneficium evaserit tenueretur, non deobligaris ab officii recitatione; quia non est æquum, quod Ecclesia suo servitio privetur ob tuam malitiam.

VI. Quæritur secundo; An regulares professi deputati ad Chorum teneantur sub mortali interesse Choro; & quando non intersunt, privatim officium recitare?

Respondeo, subditos non peccare mortaliter, si chorum non frequentent, secluso scandalo, & contemptu; quia solum est obligatio Communitatis, ut canatur in choro officium; cui obligationi etiam per solos Novitios satisficeri potest. Quare Prælatus sub mortali providere debet, ne Chorus defit; Et si Prælatus non prospiciat, id curare debent subditi: Quamvis autem videri possit alicui probabile, quod tali obligationi satisfiat, si duotantum, vel tres saltē aliquando sine scandalo canant in Choro, cum sic servetur essentia Chori, id est cantus alternus; tamen probabiliter etiam Bordon. apud Pellizar. tract. 5. cap. 8. excusat Communitatem religiorum a Choro, si ea constet solum ex quatuor, vel quinque religiosis; quia non videtur tam paucis ea obligatio quotidiana imponenda: Contra vero Beneficiarii, & Collegati, etiamsi duotantum sint, videntur ad Chorum obligandi, quia pactum implicite initum inter Fundatores, & Beneficiarios ex justitia requirit Chorum, quoties ejus essentia consistere potest.

VII. Professi autem, (sicut etiam Moniales professæ) si quando absunt a Choro , tenentur privatim officium recitare ex vi consuetudinis ab omnibus receptæ , ut communiter docent apud Dian. part. 6. tract. 8. resol. 12. ita ut oppositam sententiam Caramue- lis, & Bordoni Reginaldus temera- riam vocet, & Sanch. apud Tambur. non probabilem , & Dian. loc. cit. improbandam ; Cum communiter Do- ctores doceant, consuetudinem istam , etiam Monialium , recitandi privatim officium , si absint a Choro , esse obligatoriam . Lefl. tamen apud Dian. part. 9. tract. 6. resol. 7. conatur ostendere, consuetudinem istam non esse obligatoriam sub gravi ; Quod pariter docet Marchant. apud eundem Dian. , qui jure merito istorum sententiam rejicit, utpote contra communem Docto- rum sensum .

VIII. Quæritur tertio ; Quando incipiat obligatio recitandi officium in Subdiacono , Beneficiario , & Pro- fesso ?

Respondeo, incipere a puncto , quo ordinatur, vel ad Beneficium promovetur, aut profitetur ; ita ut solum ad horas consequentes illius diei teneat- tur ; Probabile autem est, talem obli- gationem implevisse eum, qui officium mane recitasset ante promotionem per solutionem anticipatam .

IX. Quæritur quarto ; An excom- municatus teneatur officium recitare ? Et idem quæritur de Suspenso, Inter- dicto, Irregulari, Degradato .

Respondeo, excommunicatum tene- ri recitare privatum sine socio , & si- ne *Dominus vobiscum* ; quamvis enim excommunicatus per censuram prive- tur fructibus beneficii ; at non priva- tur titulo , possessione , & jure percipi- endi fructus ; cum per ipsum stet, ne percipiat : Ex reg. enī 86. juris in 6. *Damnum, quod quis sua culpa semit, sibi debet, non aliis imputare* : Et pro-

pterea qui culpabiliter non residet, ad- huc recitare tenetur officium, quamvis non percipiat fructus beneficii . Dixi ta- men, quod teneatur recitare privatim, eo quod excommunicatio non prohibeat orationem privatam , sed solum publicam ; Immo si habens Ordines Sacros tanquam hebdomadarius so- lemniter recitaret officium cum, *Do- minus vobiscum*, fieret irregularis, quia per exercitium Ordinis Sacri violaret censuram . Verum Suar. , & Ugolin. notant, quod non peccaret, qui ha- bens Cappellatum, vel famulum cum eo officium recitaret , ex Cap. *Intra- lia, de Sententia Excommunicat.* : Nec peccaret graviter, ut docet Suar. con- tra Navar. si sine contemptu privatim diceret, *Dominus vobiscum* ; quamvis talis salutatio ne Subdiaconis quidem non excommunicatis permittatur ; Im- mo Avil. , & Hurt. putant, quod ne venialiter quidem peccaret, si tan- quam privata persona diceret, *Domi- nus vobiscum*, eo modo , quo potest dicere, *Venite Adoremus*, &c.

A fortiori tenentur officium recita- re Interdictus, Suspensus , & Irregu- laris . Dubitant solum aliqui de Degrada- to . Communiter illum obligant cum Pal. punct. 6.; quia non debet ex sua culpa commodum reportare : Aliqui tamen apud Sà , & Tambur. §. 2. il- lum excusat; quia ab Ecclesia spolia- tus est omni Clericali privilegio , & in statum secularem ejactus .

X. Quæritur ultimo ; An teneantur ad horas , Primo damnati ad tri- remes . Secundo inclusi in carcere . Ter- tio capti ab infidelibus . Quarto Latini, qui vel ex concessione Pontificis, vel alia de causa post Sacros Ordines duxerunt uxorem ?

Respondeo, probabile esse ex Sanch. , & Lefl. apud Dian. part. 2. tract. 12. resol. 4., damnatos ad triremes excusari ; Sicut etiam qui sunt in captivi- tate, capti ab infidelibus . Ratio est, quia

quia alienum videtur ab Ecclesiæ benignitate illos in tanta afflictione positos ad officii onus astringere. Idem dici forte posset de inclusis in carcere publico, si quando essent in statu miserrimo valde tritemibus affini; se-
cūs vero non excusantur, cum sint in perpetuo otio. Uxorati etiam a San-
ch. lib. 8. de Matrim. disp. 8. proba-
biliter excusantur, si ex dispensatione
Pontificis ad nuptias transierunt, quia
sunt in statu a tali obligatione alieno.
Præterea Tancredi apud Tambur. ex-
cusat Sacerdotem damnatum ad mor-
tem pro tribus illis diebus, dum est
in facello; sicut etiam captum ob e-
norme delictum, puta ob rebellionem;
necnon afflictum aliquo repente, &
maximo mero, puta ob mortem filii,
ob jacturam patrimonii, &c., quan-
do scilicet perturbatio animi magnam
difficultatem recitandi pareret; secus
vero non excusantur, ut inferius di-
cemus.

ARTICULUS II.

Quodnam officium recitandum sit?

- I. Quinam possint horas recitare, & non ex Romano Breviario?
- II. Num recitandum sit privatim officium B. Virginis, & defunctorum, quando in Rubrica prescribitur; præfertim die Commemorationis defunctorum?
- III. Num liceat Horas recitare idioma-
te Graco, aut Hebreo, vel vul-
gari?
- IV. Peccat graviter, qui semel unum officium pro alio notabiliter diver-
so; necnon quispius unum officium pro alio recitat.
- V. Rubrica servanda alia sunt Precepti-
va, que obligant sub mortali; alia Directiva, que non obligant
sub mortali.
- VI. Si per errorem officium pro officio re-

citatum sit, corrigatur error, ubi
deprehenditur.

VII. Qui missam celebrat de Sancto, cuius festum in aliqua Ecclesia ee-
lebratur, potest probabilitate officium
de eodem Santo recitare.

VIII. Quilibet potest sequi ritum socii,
cum quo Horas recitat.

I. Procul dubio recitandum est ab omnibus officium ex Brevia-
rio Romano, exceptis iis, qui alio Breviario utuntur ex consuetudine ante ducentos annos a constitutione Pii V. edita anno 1568., ut sunt Benedic-
tini, Dominicani, Ecclesia Mediola-
nensis, &c.; qui probabiliter non possunt privatim uti Breviario Roma-
no, cum debeant se suae Ecclesiæ con-
formare; Quamvis possit consentiente Prælato recipi ab iis Communitatibus Breviarium Romanum, quo recepto non possunt amplius ad suum redire: Bonac. tamen cum Less., Surar., Sa-
purat probabile etiam esse, quod Do-
minicanus, vel Benedictinus possit pri-
vatim uti Breviario Romano; quia sic conformaretur Ecclesiæ communis, quæ est Mater omnium. Notandum etiam, Breviarium Romanum editum fuisse primum a Pio V., deinde a Clem. VIII. recognitum, demum cum novis hymnis ab Urbano VIII. revisum; qui præcepit, ut hoc novo omnes uterentur; permisit tamen, ut qui haberent illud Pii V., & Clem. VIII., illo uti possent. Ex quo fit, neminem teneri, licet possit, ad emendum hoc novum Breviarium, cum permisum sit ut antiquo.

II. Quæritur nunc primo; An qui ad horas tenentur, debeant etiam re-
citare officium Beatissimæ Virginis, & Defunctorum, quando in Rubrica præ-
scribitur?

Respondeo cum Tambur. ex Bullæ Pii V. non teneri ad recitandum illud privatim, qui utuntur Breviario Ro-